

## KAZANJA NJEHLADAĆ

čo. 33

- a) so do přikazow wohladać, so jich njedzeržeć
- b) sej ničo prajić njedać
- c) započec jěsć, sej słodžeć dać

Prawa je wotmołwa c.

*„Njehladajće kazanja“ praji so zwjetša hosćom za krytym blidom. To rěka, zo smědža započec jěsć a njetrjebaja dlěje čakać abo so prosyć dać.*

### Takle móžeš to tež prajić

Dajće sej słodžeć! Njedajće so dołho prosyć!

### Připódla prajene

Jeli činimy něšto bjez kazanja woznamjenja, zo nječakamy na dalše napominanje a wěc wuwjedžemy.

### Přikłady z rěčneho korpusa

Nětko zastupi tež Kata z pomazkami: „Tule je něšto přikusować, doniž kofej hotowy njebudže. *Njehladajće kazanja!*“ (Mikławš Bjedrich-Radlubin, Zjebani kwasarjo. Powědančka a humoreski wubrať, zřjadowať a dosłowo spisať dr. J. Młynk, Budyšin 1971)

Kralowa najprjedy hosćom kazaše a jich nućeše, zo bychu brali a *kazanja njehladali*. (Marja Kubašec, Bosćij Serbin. Historiski roman. Třeći džěl, Budyšin 1965)

Serbja a Němcy wšitkich generacijow *njehladachu kazanja* a spěwachu tež tu abo tamnu serbsku ludowu pěseň. (Serbske Nowiny 2007, januar-měrc)

Přeco na kóncu lěta přinjese nam přinošk za protyku bjez *kazanja* a prošjenja. (Rozhlad. Časopis za serbski kulturu, lětnik 42; 1992)